

遊覽志

110824
824

沙門巨海述

錢唐遊覽志

孤山藏版

遊覽志序

錢唐山水名勝甲天下遐方異域有愛之慕之
而未能一至者自古迄今不知幾千萬人矣
余生長武林性耽丘壑棄儒業而為僧超然
物外與世無求居孤山之麓在聖湖之中而
得朝于斯夕于斯歷風雨晦明雪月烟霞四射

遊覽志

序一

不同变幻萬狀徜徉其間此樂何極幸值人和年
豐之日余之領畧湖山之勝者又另有一番佳趣能
若農者漁者樵者商賈者之逐于其中而不知者也
又能若偶一至者貿、而來者之匆、于其際而不
知聖湖之味者也余讀田叔禾所著西湖志得悉古
跡之源流焉然其志所載頗繁多恐駁雜而寡要因

止摘錢唐山水勝事而折衷之乃集為一卷名曰遊覽
 志俾遊者覽之甚易可與筇屨茶灶酒盞詩牋
 共携之以為登臨之助耳倘遐方異域有愛錢唐
 山水之美慕西湖之名而未能一至者覽此是編
 猶如身入武林與山僧晤對也是以為序
 康熙
 丁酉初夏釋界源巨海題



遊覽志 序二

湖山一覽圖



卷之三



錢唐勝槩

錢唐在禹貢揚州羅刹江西岸、自古潮水衝擊、東坍西漲、而成平陸、地名西陵、大禹治水至此、舍航登陸、因名禹航、周時爲吳越之境、後歸於楚、江潮大溢、居人錢姓者、築塗以捍水、遂名錢唐、秦置會稽郡、立錢唐縣於此、陳置錢唐郡、隋改杭州、始創城郭於左江右湖之間、周三十六里許、唐季錢王拓廣城郭七十里、南至秦望、北抵大河南、宋都此、改爲臨安、元末張士誠據杭州、築城六千四百丈、截長補短、以方爲度、明置浙江省、立杭州府、設仁和錢塘二縣、附郭以此爲省會之區、列門十道、南曰鳳山、候潮、東曰望江、清泰、慶春、北曰艮山、武林、西曰錢塘、湧金、清波、城內有吳山、可眺江湖、

遊覽志

勝槩
杭城

郭外有十勝、曰東海朝暎、曰西湖夜月、曰兩峯白雲、曰孤山霽雪、曰九里雲松、曰六橋烟柳、曰浙江秋濤、曰北關夜市、曰靈石樵歌、曰冷泉猿嘯、鳳山門在城正南、俗稱正陽門、門外有鳳凰山、因名城南八十里、至富陽縣、勝有水門、門內爲城河、門外爲龍山、河南抵龍山、閘、候潮閘在城之南、門外地名江干、沿塘十里、至浙江驛、稍東有水門、門內爲道江河、門外爲茅山河、南抵跨浦、閘北抵永昌壩、望江門在城東南、俗稱草橋門、門外臨錢唐江、東渡十里、至紹興府西興鎮、清泰門在城正東、俗稱螺螄門、門外即古錢唐、稍北有水門、門內抵東河、新壩、城外爲沙河南、抵永昌壩、北抵艮山、門外會安壩、

慶春門在城之東、俗稱太平門、門外有新塘、北去一百二十里至海寧縣、
艮山門在城東北、俗稱壩子門、門外有土山、距城艮隅、因名城北一百二十
里至石門縣、傍有水門、跨東河者、門內抵斷河頭、北抵海寧縣、
武林門在城正北、俗稱北關門、以武林山水因名、門外地各湖墅、十里至北
新關、傍有水門、門內爲城河、門外爲清湖、北抵清湖關、
錢塘門在城西北、舊錢塘縣治、此因名、門外臨西湖、西去五十里、至餘杭縣、
湧金門在城正西、門外即西湖、稍北有水門、引湖水入城者、下設湧金閘、
門內爲湧金池、通城河、門外有陡門禦湖決、
清波門在城西南、門外臨西湖、傍有水門、下設清波閘、洩吳山諸水注湖、

遊覽志

杭城
西湖

二

西湖距城之西、三面環山、周繞三十里、武林谿谷、樓注下有淵泉、有道瀦而成
湖、古稱武林水也、漢時金牛見於湖中、人言明聖之瑞、遂稱明聖湖、以其
介於錢唐、又稱錢唐湖、湖中爲孤山、三潭當其前、西泠繞其後、左右有白
蘇二隄、西爲裏六橋、兩峯諸水所經、南有澄水閘、萬松三渠、諸水所洩、自
唐刺史李泌鑿六井、引湖水入城、而民居繁盛、白居易作函覓蓄水溉田
而農無荒旱、宋守蘇軾濬湖源、開城河、以運貨殖而成財賦之邦矣、明守
楊孟瑛首問民病、先務開湖、清理占塞、西湖至今復古、爲一郡靈秀所鍾、
故偉人君子多出其間、隱士高流、嘗居其處、晴則水光瀲灩、雨則山色空
濛、游魚飛鳥、戀萬頃之清波、雪月風花、幻四時之氣象、漁燈有隱見之明、

畫船有絲竹之韻、興樵子以咏歌、羨騷人而作賦、曉霧晚烟、朝霞暮紫、乃素然極樂之境、有十景焉、曰三潭印月、曰兩峯插雲、曰花港觀魚、曰蘇隄春曉、曰麴院風荷、曰平湖秋月、曰柳浪聞鶯、曰雷峯夕照、曰南屏晚鐘、曰斷橋殘雪、每逢玉兔初升、金波蕩漾、夜靜萬籟俱寂、當空如畫、頗覺爽人清氣、名曰西湖夜月、為錢唐十勝之一、過風定時、水平如鏡、至秋當令倍加皎潔、名曰平湖秋月、為西湖十景之一、三潭在湖水中、深不可測、月夜逢晴澈底、名曰三潭印月、為西湖十景之一、宋時有青魚白蛇三足蟾、蟾居潭底、久之成精、常出遊人、紹興初、壓師驅之潭下、作三塔鎮其上、鼎峙湖中、明弘治五年、命事陰子淑毀之、

遊覽志

湖中

三

湖心亭在三潭北塔之畔、初名湖心寺、晉天福中、紹嚴禪師創、宋南渡後、列三塔於湖心、遂稱三塔寺、明弘治五年、命事陰子淑、廉得寺僧之姦、寺塔俱毀、嘉靖三十一年、知府孫孟尋遺址作亭其上、萬曆四年、司禮監孫隆重築四礎、改建喜清閣、康熙三十八年、上南巡、御書題咏勒石、

放生池在三潭中塔故址、明萬曆三十五年、郡紳虞淳熙、楊兆坊、金學魯、請於當事、鑿湖積葑、築堤一環、內為放生池、縣令聶心湯捐俸首事、蓮池大師倡之、池中構佛宇為放生慈社、扁曰魚樂國、三十九年、縣令楊萬里、築外堤、四十二年、巡撫劉一焜、巡鹽楊鶴、督糧周世賞、知府楊聯芳、捐資增隄三尺、外關二潭、以故、固四十六年、布政蕭近高、加築石塘、四百餘丈、

知府姚之蘭架石梁於池上以津外隄石欄夾道可以俯觀游泳、前為三潭印月亭、康熙三十八年、南巡宸翰水中作三石塔以復三潭舊跡、孤山在重湖之間、碧波環繞、獨立水中、故名曰孤、上有歲寒巖、瑪瑙坡、梅花嶼、自古無陸路、非舟棹不能登者、唐刺史白居易築斷橋隄、始通往來之道、其巔為孤峯、徘徊四曠、可眺全湖、每遇雪後、登此觀湖、上積雪、遠視分明、名曰孤山霽雪、為錢唐十勝之一、

孤山禪寺、在孤山之陽、陳天嘉二年創樓閣參差、彌布椒麓、為西湖最勝處、唐宋諸賢畢集賦詩於此、紹興十六年、勅建四聖延祥觀、徙寺山北、元初胡僧楊璉真伽復為僧窟、明萬曆四十五年、郡人中金學魯得寺址、建

遊覽志

湖中

四

關聖殿前起照膽臺、後樹禪堂佛宇、仍復孤山寺、內貯漢壽亭侯玉章相傳為聖生前所佩、昭著寰宇、誠禱輒應、寺右為巡撫張公鵬翻竹閣書院、康熙三十六年、御賜懷冰雪扁、以褒其清、寺後石壁陡絕、東坡書歲寒巖傍疏一聯云、郭令公歷中書二十四考、廣成子任崆峒萬八千年、行宮在孤山之陽、宋太乙宮故址、康熙丁亥、上南狩、駐蹕於此、有積翠亭、望湖樓、雲岫閣、攬勝齋、滄泉射圃、平臺、竹徑、諸勝、

陸忠宣公祠、在孤山之陽、明中書洪澄別業、後屬少保陸炳、炳自謂系出唐平章忠宣公贄、創祠祀之、規制弘敞、為一時冠、炳既物故、仍坐法祠、沒入官、以名賢得不廢、康熙中傾圮、當湖後裔重建、右為快雪堂、明時有小

即今之
聖因寺

青扈按小青本姓馮名玄上廣陵人錢唐馮子虛至維揚娶歸遭婦妬築室屏居於此咨上不得志鬱上成病而殞有焚餘詩行於世

朱文公祠在孤山西麓宋朱夫子熹淳熙中提舉浙東常平茶鹽有惠政浙人建祠錦塢康熙中傾圮後裔居杭者遷建於此左有種德社

報恩禪院在孤山西麓明司禮孫東瀛功德祠也順治九年織造太監盧九德樹佛宇各盧舍菴康熙五十五年織造孫文成等重建改今額

六一泉在孤山西麓宋慧勤上人院也熙寧中蘇軾出判杭州六一居士歐陽修謂曰孤山僧慧勤長於詞賦吾嘗作山中樂贈之以歸子閒於民事能從之遊乎軾至杭視事三日訪勤於孤山與之酌倡作東坡菴以自寓

元祐中東坡知杭州六一公與勤俱逝矣其弟子二仲畫二像祀之有泉出講堂下東坡異之遂名曰六一泉理宗時從中貴盧允升之請取為太乙宮明初僧行昇復樹精舍前為數峯閣奉高賢理學諸本主後為覺上堂祀歷朝忠節諸君子左有郭孝童墓孝童方幼齡家被火從烈焰奔出回顧失其母復入火尋母不得出與母相偃而斃有司上其事葬於此西泠橋在孤山西北隅跨西泠對虎頭巖者唐刺史白居易建以達山北之路舊有西泠五聖廟即蘇小結同心處也按南齊名妓蘇小上錢唐人美姿容工詩賦歿後嘗吟哦觸人其墓或云西陵或云西泠今獨無據敬一書院在孤山東椒康熙中巡撫趙士麟講學處公去任士人肖像祀之

右為和靖廟奉土神林處士像。下為瑪瑙坡碎石文瑩可鑄圖象。四賢祠在孤山東椒祀唐刺史李泌白居易宋守蘇軾處士林逋者其地本白刺史竹閣抗民懷公之德肖像奉焉宋時益以蘇東坡林和靖號三賢堂紹興中建四聖延祥觀徙祠蘇隄明天順三年知府吳濬復遷故址正德三年知府楊孟瑛開湖訖事併祀李鄴侯故曰四賢。祠前有金沙井白樂天最愛酌之井底沙燦如金。傍為明廉使婢菊香塚有石表之。林處士墓在孤山之陰梅花嶼上宋錢唐林逋字君復少孤立志為學景德中放浪江淮歸隱於此與中庸子倡和足跡不入城市構巢居閣植梅養鶴以自適常泛小舟出湖遊諸山寺或連宵不返客至童子縱鶴招之逋

遊覽志

湖中

六

不娶無子教兒子宥成名進士真宗聞其名數辟不就賜粟帛詔長吏歲時勞問仁宗錫號和靖先生卒年六十一郡守李諗為製總麻服偕其門人葬之其諸孫大年集其詩行於世紹興中建四聖延祥觀盡徙諸寺院獨逋墓詔存之元初胡僧楊璉真伽發其墓惟端硯一方玉簪一枝而已時儒學提舉余謙為之葺治於嶼上補植梅樹數百本郡人陳子安構亭以配之明初荒蕪不治成化十年郡守李端修整其墓嘉靖間縣令王鈇作放鶴亭康熙十一年巡撫范承謨重建督郵李之粹題曰林君復放鶴處二十八年上南巡御書舞鶴賦勒石覆以大廈

范忠貞公祠在孤山東椒公諱承謨字觀公瀋陽人順治壬辰進士康熙庚

成巡撫兩浙與利除害百廢皆舉浙民德之立祠於此印寅總制八閩值
耿逆叛不屈遇害贈太子少保謚曰忠貞歲給錢塘縣學租銀八兩致祭
勾留處在孤山東麓范忠貞撫浙時所題湖心之扁今以附祠建亭於此南
為公子浙閩總督時崇德政院其內荷池庭桂夏秋之際可稱雙絕
處士橋在孤山東麓宋林君復艤小艇處下為處士港 上有名垂青史碑
康熙中御書賜殉耿難溫處道陳忠毅公丹赤者公子湖州守一變立
十錦塘跨湖東北本名白公隄唐長慶中刺史白居易築凡三里許自巨石山
以達孤山之路明萬曆十七年司禮監孫隆重築拓廣甃石為塘夾岸植
桃柳芙蓉沿隄插葦荷菱茨花開若錦因名十錦塘

遊覽志 湖中

嘉濟廟在孤山東隅十錦塘上奉西湖水仙嘉濟龍王像 左為關中馬公祠公諱如
龍康熙中孝廉以主政督杭權典杭郡擢兩浙臬藩有德政遷江右中丞浙民祠於此
平湖秋月亭在十錦塘上突出湖中者唐望湖亭故址月臺石砌三面可以
垂釣於此待月初出湖光瀲灩尤屬奇觀
錦帶橋在十錦塘中初名涵碧橋宋大中祥符中轉運使陳堯佐所建以藏
小艇進西泠者明孫東瀛修隄栽植蘗錦映帶故名錦帶
斷橋在十錦塘東接巨石山者白刺史築隄時建初名寶祐橋有段姓者居
此俗稱段家橋後因湖水淤削隄漸湮沒道塗不達故稱斷橋每遇雪霽
經此瞬湖山之雪儼然銀粧玉斂名曰斷橋殘雪為西湖十景之一

蘇公隄跨湖南北宋元祐五年郡守蘇軾濬湖取葑泥積湖中爲長隄六里許以通南北山之陸路上架六橋以通裏外湖之水道夾植花柳二月天桃嫩柳遊人最盛後因柳多桃少望之如烟名曰六橋烟柳爲錢唐十勝之一
一、自南渡後隄橋成市歌舞叢集走馬遊船達旦不息旭升之際窺隄上臨鏡早粧名曰蘇隄春曉爲西湖十景之一
跨虹橋在蘇公隄上近履泰山者右對環壁左向西冷相望如虹霓然故名橋北爲秋水觀有威震華夏石楔西塊有麴院風荷亭
崇文書院在跨虹橋西明萬曆中兩浙衆商所建祀饜憲葉公永盛者會稽陶望齡爲之記左有西湖書院康熙中杭郡士子爲王宗師揆建

東浦橋在蘇公隄上跨虹橋南靈隱浦之水經其下故一名東浦

壓隄橋在蘇公隄上東浦橋南塊有蘇隄春曉亭

望山橋在蘇公隄上壓隄橋南隄西水名花港

鎖瀾橋在蘇公隄上望山橋南隄東爲放生池

映波橋在蘇公隄上鎖瀾橋南路抵南屏慧日峯下

花港在蘇隄望山鎖瀾之西源出花家山經隱秀橋入湖其淵深不可測金

鱗時躍名曰花港觀魚爲西湖十景之一

定香橋在蘇隄映波橋西跨花港者舊有定香寺故名橋上有明太傅于忠肅公神道坊西通于墳法相路塊有花港觀魚亭

裏湖隄濱湖之西其北三里之隄宋時所築其南三里之隄明正德三年知府楊孟瑛開湖時築共六里許以通南北兩山之路上架六橋以導西山諸水入湖故一名楊公隄今俗稱裏六橋

濬源橋在裏湖隄上近九曜峯者水名浴鵠灣西抵赤山埠西開之水出焉景行橋在裏湖隄上濬源橋北三台翠微之水出焉西為小麥嶺

隱秀橋在裏湖隄上景行橋北花家山之水出焉東為丁家山有竹嶼

卧龍橋在裏湖隄上隱秀橋北龍井之水出焉西抵茅家埠

流金橋在裏湖隄上卧龍橋北水名麴院金沙澗之水出焉

環壁橋在裏湖隄上流金橋北路接仙姑山麓玉泉之水出焉

趙公隄在裏湖隄西金沙灘上宋淳祐中京尹趙與憲築自流金橋至行春橋凡三里許相接九里松道以達武林夾岸花柳人比蘇隄

麴院在趙公隄南金沙澗之水至此清潔宋時取之作麴釀官酒因稱麴院其地多菖菴長夏之時風透蓮香名曰麴院風荷為西湖十景之一

孚確廟在趙公隄上其神孫顯忠錢唐履泰山人仕吳越為名將破後為神

祠履泰將軍宋嘉熙中京尹趙與權禱雨有驗疏聞封天澤侯勅賜廟額明萬曆癸未夏旱知府張振之詣禱大雨三日拓地重新有天澤井

九里松在趙公隄西唐刺史袁仁敬所植自松門以達靈竺凡九里許古三行蒼翠夾道蔭密如雲名曰九里雲松為錢唐十勝之一

行春橋在趙公隄西松門之南一名橫衝橋凡武林金沙澗之水至此曲流橫衝經趙院入湖每遇山洪汎溢其湧如潮

兩峯亭在行春橋畔其地平曠四面環山視南北高峯如接天表雲騰霧起垂繞峯尖名曰兩峯樓雲為西湖十景之一

西行春橋在九里松西唐家街口一名唐家橋其下為金沙澗橋畔有宋統制張玘忠勇廟通問副使朱弁墓

武林山在湖之西峯巒聳起若武庫森列中為飛來峯南曰天竺絕頂為天門西為白公嶺東為仙芝嶺北曰靈隱絕頂為北高西為石人嶺東為桃源嶺其支溪所總名武林其水西流為西溪東流入湖

遊覽志

湖西

十

神霄宮在桃源嶺南慶化山麓宋咸淳中羽士陳崇真自閩中來卜居於此善書法因勅建雷院賜號冲素真人

北高峯在靈隱山絕頂石磴數百級曲折三十六灣而上羣山屏列湖水鏡浮雲光倒垂萬象在下西望浙江茫茫無際上有華光廟馬鳴王廟

白樂橋在北高峯南麓唐刺史白樂天建武林山水所經西有陳明大王廟古錢唐縣治此其神姓陳漢時為錢唐令清正卒於官奉為土神

合澗橋在飛來峯東麓南澗之水自天竺而下北澗之水自靈隱而下至此合流號曰錢源橋塊有飛來峯亭接靈竺大道

迴龍橋在飛來峯北麓水清繞橋長堤文穆王建石門澗所經名靈隱浦

飛來峯在武林山中界乎靈竺兩山之間怪石森羅青蒼玉削若駭豹蹲獅
筆卓劔植衡從偃仰益玩益奇上多異木不假土壤根生石外矯若龍蛇
其下巖窟窈窕屈曲通明晉咸和元年西僧慧理登之嘆曰此乃中天竺
國靈鷲山之小嶺不知何以飛來仙靈隱窟今復爾否因樹錫結菴名曰
靈隱命其峯曰飛來始分武林為天竺靈隱兩支壁間周佈佛像元初總
浮屠胡僧楊璉真伽所鑿

許由峯在飛來之南頂相傳唐時許由陽城人帝堯聞其賢欲使為九州長
幣聘之不就避隱於此竟忘返後仙去

蓮花峯在飛來之北頂石可四十圍開瓣若干葉芙蓉峯傍有蓮花泉

遊覽志

湖西

十一

神尼塔在飛來峯巔隋文帝始生帝母見兒如龍形驚墜地同州般若寺尼
智仙知其貴詣之帝父委尼保育及長即位尼已逝帝令天下靈山為之
建塔仁壽二年遣僧齋智仙舍利於此造塔發土得石坎以舍利納之不
差分寸人咸異之遂稱神尼云

龍泓洞在飛來峯下玲瓏深邃雲石倒垂其中相連者為青林洞通天洞玉
乳洞射旭洞曲折通幽懸泉淅瀝溜若凝脂寒栗侵人有小徑可達山頂
吳赤烏二年葛稚川於此得道有煉丹臺在焉宋咸通中高士丁飛字瀚
之居洞內讀書年七十二陟峻如飛左有伏虎棧連巖棧

靈鷲塔在龍泓洞口青林巖上晉開山慧理祖師骨塔也巖上刻天子萬年

冷泉在蓮花峯下、靈隱山澗所注、山樹為蓋、巖石為屏、唐刺史元真作亭其間、雲從棟生、水與階平、宋僧如璧甃為方池、可以垂釣濯足、下為石門澗、呼猿洞在冷泉之西、晉慧理畜猿處也、宋元嘉中有僧智一者、畜老猿於內、常臨溪長嘯、則諸猿畢集、名曰冷泉猿嘯、為錢唐十勝之一。

雲林禪寺在靈隱山之陽、本名靈隱寺、晉咸和元年西僧慧理創、康熙初具德禪師弘禮重興之、為諸山冠、二十八年上南巡幸此、勅賜今額。

韜光菴在靈隱西椒、巢溝塢內、唐長慶中蜀僧韜光結菴於此、足跡不入城市、刺史白居易作詩招之不至、與為方外交、其流曰韜光泉、味甘色白、前有呂祖殿、明萬曆十二年建、後為美人峯、有精舍數椽、江湖一覽、

石筍峯在雲林寺西、高數十丈、圓峭特立、下為石筍厓、有永福寺、宋咸淳九年隆國黃夫人建、至元十七年分為上下兩院、內有金沙泉、銀沙池、

嚴將軍墓在雲林寺西、將軍名德、當塗人從明太祖討張士誠有功、令守杭州、會勦天台賊、中流矢卒、贈驃騎上將軍、封天水郡公、勅葬於此、

石人嶺在靈隱山西北、下有玉女岩、北通西溪路、西為東墓嶺、有飛泉二道、吳大帝石杵存焉、上刻黃武二年、歲在戊午、八月三日、凡十二字、

白雲峯在天竺山中、白雲常繞其巔、北有楓木嶺、為靈竺兩山小徑、嶺多楓樹、秋季霜降、紅葉可觀、嶺之南、又有善住無碍香鑪等峯、

上天竺講寺在白雲峯下、晉天福間僧道翽者結菴於此、見瑞光發於澗中、